

"মিষ্টি প্রিয় বাচ্চারা :- তোমাদের হল রুহানী স্মরণের যাত্রা, তোমাদের শরীরকে কোনো কষ্ট দিতে হবে না, চলতে - ফিরতে, উঠতে - বসতে বুদ্ধির দ্বারা বাবাকে স্মরণ করো"

প্রশ্ন :-কোন বাচ্চাদের সর্বদা খুশী থাকে ? স্থায়ী খুশী না থাকার কারণ কি ?

উত্তর :- যারা পুরানো দুনিয়া, পুরানো শরীরের থেকে মমত্ব ত্যাগ করে বাবা আর তাঁর অবিনাশী আশীর্বাদী বর্সাকে স্মরণ করে, তাদেরই স্থায়ী খুশী থাকে । যাদের স্মরণের যাত্রায় মায়ার তুফান আসে, অবস্থা শীতল হয়ে যায়, তাদের খুশী স্থায়ী থাকে না । ২) যতক্ষণ না ভবিষ্যতের রাজত্ব নিজের চোখে দেখতে পাচ্ছ, ততক্ষণ খুশী কয়েম থাকতে পারে না ।

গীত :- আমাদের সেই পথেই চলতে হবে, যেথায় মোরা পড়ব উঠবো আবার নেবোও সামলিয়ে আমরা হলাম সেই দীপ যাকে অন্যদের জন্য জ্বলতে হবে

ওম্ শান্তি । এই কথা বাবা বাচ্চাদের বলছেন, এ তো বোঝার কথা । এতো সন্তান এক প্রজাপিতা ব্রহ্মার ছাড়া আর কারোর হয় না । কৃষ্ণকে কখনো প্রজাপিতা বলা হয় না । নামের গায়ন আছে না ! প্রজাপিতা ব্রহ্মা । যা হয়ে গেছে, তাই এখন উপস্থিত । তাই প্রজাপিতা ব্রহ্মার সন্তান ব্রহ্মাকুমার - কুমারীরা অনেক । এরা সবাই প্রজাপিতা ব্রহ্মার সন্তান । তাহলে অবশ্যই প্রজাপিতা ব্রহ্মারও কোনো বাবা আছেন । বাচ্চারা জানে যে আমাদের ঠাকুরদাদা হলেন পরম পিতা পরমাত্মা শিব । তিনি এখন নতুন দুনিয়ার রচনা করছেন অর্থাৎ পুরানো দুনিয়াকে নতুনে পরিবর্তিত করছেন । এই পুরানো দুনিয়াতে এই শরীরও হলো পুরানো । নতুন দুনিয়াতে সতোপ্রধান নতুন শরীর হয় । তা কিভাবে হয় - এই লক্ষ্মী - নারায়ণকে দেখো । এই হলো নতুন দুনিয়ার নতুন শরীর । এদের মহিমা ভারতবাসী জানে । এঁরা স্বর্গের নতুন দুনিয়া, নতুন বিশ্বের মালিক । যা নতুন দুনিয়া ছিলো তাই এখন পুরানো হয়ে গেছে । ৮৪ জন্ম নিতে হয়, তাই না । এরও সম্পূর্ণ হিসেব আছে । কারা সম্পূর্ণ ৮৪ জন্ম নেয় ? সবাই তো তা নেয় না । ৮৪ জন্ম কেবল তারাই নেয় যাদের আদি থেকে অন্ত পর্যন্ত পার্ট থাকে । যারা প্রথমে এই সৃষ্টিতে ছিলো । প্রত্যেকটি কথা প্রিয় বাচ্চাদের তো ধারণ করতে হবে । এখানে কোনো মানুষই মানুষকে বোঝায় না, এখানে তো নিরাকার পরম পিতা পরমাত্মা মনুষ্য শরীরে বসে বোঝান । এটাই হল তাঁর মহানতা । তিনি যদি না বোঝাতেন তাহলে আমরা কিছুই জানতাম না । আমরা তো সম্পূর্ণ তুচ্ছ বুদ্ধির ছিলাম । এখন আমরা এই রচয়িতা আর রচনার আদি - মধ্য আর অন্তকে জেনেছি । তারা কে বা কারা ---- এই বেহদের ড্রামায় সবথেকে মুখ্য পার্টধারী কে কে । এই অবিনাশী ড্রামা বানানো এক ড্রামা । গাওয়া হয় ---- বানানো আছে এবং বানানো হচ্ছে ---- এই গায়ন ভক্তিমার্গে করে কিন্তু এ এখন বোঝানো হয় যে, এই ড্রামার খেলা কিভাবে বানানো হয়েছে ।

বাবা বসে বোঝান, প্রিয় বাচ্চারা, এ তো তোমরা জেনেই গেছো যে তোমাদের যাত্রায় যেতে হবে । মানুষ খুব কষ্ট সহ্য করে যাত্রায় যায় । এখন তো এরোপ্লেন বা ট্রেনে তা খুবই সহজ হয়ে গেছে । আগে তো মানুষ পায়ে হেঁটে যাত্রায় যেতো । চলতে চলতে ঝড়ও আসতো । মানুষ বেহাল হয়ে যেতো । তখন কেউ কেউ আবার ফিরেও আসতো । তো অর্ধ কল্প, দ্বাপর যুগ থেকে শুরু করে শরীরের

যাত্রা চলে আসছে। ভক্তিমার্গে মানুষ কেন যাত্রায় যায়? ভগবানকে খুঁজতে। ভগবান তো কোথাও বসে নেই। ভগবানের জড় চিত্রের পূজা করা হয়। যারা অতীতে থেকে গেছে, মানুষ তাদেরই জড় চিত্র বানায়। চৈতন্যতে তো ভগবানকে পাওয়া যায় না। শিবলিঙ্গ আদি, এ সবই জড় চিত্র। এই জড় চিত্রকে দেখার জন্য মানুষ যাত্রা করে। এ হলো ভক্তিমার্গের এক রীতি - রেওয়াজ। সবই জানে কিন্তু কারোর বায়োগ্রাফি জানে না যেই ইনি কে বা কবে এসেছেন? শিব জয়ন্তীও পালন করা হয় কিন্তু তাঁকেও কেউ জানে না। আজকাল তো এইসব উৎসবের গুরুত্ব কমে গিয়েছে, কেননা এর নাম - রূপ ইত্যাদি প্রায় লোপ হয়ে যাবে। এখন তোমরা জানো যে উঁচুর থেকে উঁচু হলেন জ্ঞানের সাগর, সুখের সাগর। সাগর থেকেই এখন তোমরা জ্ঞান পাচ্ছো। সেই বেহদের বাবাই এখন প্রত্যক্ষভাবে উপস্থিত আছেন। অমরনাথও তো শিব বাবা, তাই না! দেখানো হয় যে, বরফের লিঙ্গ হয়ে যায়। মানুষকে ঠকানোর জন্য গালগল্প তো অনেক বানানো হয়েছে। তো সেই শরীরের যাত্রায় অনেক পরিশ্রম হয়। এ হলো রুহানী যাত্রা, এতে শরীরের কোনো পরিশ্রম নেই। তোমরা বাচ্চারা বুঝতে পারো যে, তোমরা বেহদের বাবার সন্তান। ভক্তিমার্গে মানুষ জন্ম - জন্মান্তর ধরে স্মরণ করে এসেছে। এখন তোমাদের স্মৃতি এসেছে। বাবা বলেন যে, তোমরা ৬৩ জন্ম খুঁজতে খুঁজতে নামতে থেকেছ। প্রথমে একদম কড়ি তুল্য ভক্তি করতে। তাও তো এই দুনিয়াকে তমোপ্রধান অবশ্যই হতে হবে। ঝাড়কে (বৃক্ষ) তো অবশ্যই বৃদ্ধি পায়। একজন মানুষও আমার কাছে ফিরে আসতে পারে না। নাটকে সবাইকে নিজের নিজের অভিনয় করতে হবে। সত্যো, রজো এবং তমোতে অবশ্যই আসতে হবে। নান্দার ওয়ানের উদাহরণ নাও। এক নন্দর লক্ষ্মী - নারায়ণ সত্যোপ্রধান ছিলেন, এখন তমোপ্রধান। যাঁর মধ্যে আবার শিব বাবা প্রবেশ করেছেন, কেননা এনাকেই আবার এক নন্দর হতে হবে। এর সাথে মাকেও রাখা হয়। মায়েদেরই তো উত্তরণ হয়। প্রথমে লক্ষ্মী তারপর নারায়ণ, মায়েদের নামই উচ্চ করা হয়। মাতা সর্বদাই পতিব্রতা হয়। পুরুষ কখনোই পত্নীব্রতা হয় না। বন্দে মাতরম্ --- বলা হয়। এই সময় তোমরা বাবার হয়েছ। তাহলে তোমরা হয়ে গেলে ব্রহ্মাকুমার - কুমারী। মাতা - গুরু ছাড়া কখনোই কারোর উদ্ধার হয় না। গুরু তো অনেক আছে। তবুও কলিযুগে ঘোর অন্ধকার হয়ে গেছে। এখানে কতো গুরু - গোঁসাই আছে। হরিদ্বার ইত্যাদি কোথায় কোথায় তাদের মন্দির বানানো আছে। না হলে বাস্তুবে মন্দির তাকেই বলা হয় যেখানে দেবতারা থাকেন। সন্ন্যাসীদের কখনো মন্দির হয় না। মন্দিরে তো দেবতারাই থাকেন কেননা তাঁদের আত্মা এবং শরীর দুইই পবিত্র। এই মহাত্মাদের যদিও বা আত্মা পবিত্র কিন্তু তারা পবিত্র শরীর পেতে পারেন না কেননা এখানে তত্ত্বও তমোপ্রধান। এখন তোমরা দেবতা হচ্ছে। তোমাদের দেবতা বানাচ্ছেন পরমপিতা পরমাত্মা। এ হলো সত্যোপ্রধান সন্ন্যাস। ওদের হলো রজোপ্রধান সন্ন্যাস। এ কথা বাবা ছাড়া কেউই শেখাতে পারেন না। তাই বাবা বুঝিয়েছেন যে, ওদের হলো শরীরের যাত্রা আর তোমাদের রুহানী যাত্রা। এতে কর্মেন্দ্রিয়ের কোনো কাজই নেই, কোনো পরিশ্রমের কথাই নেই। এ খুবই সহজ। ওই শরীরের যাত্রা অনেক প্রকারের আছে। এই রুহানী (আধ্যাত্মিক) যাত্রা হলো একটি। এ হলো রাজস্ব লাভের যাত্রা। এই যে লক্ষ্মী - নারায়ণের চিত্র সামনে আছে, দুনিয়ার মানুষ খোঁড়াই জানে যে, এনারা এই রাজযোগের যাত্রা করে এই পদ পেয়েছিলেন। তোমরা বাচ্চারা জানো যে, এনারা এই প্রালঙ্ক কিভাবে পেয়েছিলেন। উপর থেকে কোনো নতুন আত্মা তো আসে নি যাঁদের ভগবান এই রাজস্ব দিয়েছিলেন। তা নয়। এনাদের পুরানো থেকে নতুন করা হয়েছে, যাকে বলা হয় রিজুভিনেট (পুনর্নবীকরণ) অর্থাৎ কায়াকল্পতরু বলা হয়। তো বাবা এখন বসে বোঝাচ্ছেন যে এনারা রুহানী যাত্রা করেছিলেন। রাজযোগ বলের যাত্রায় এনারা এমন হয়েছেন। বাবা রাজযোগ আর জ্ঞান শেখাতে আসেন তাই এখন তোমাদের যাত্রা চলছে। তোমরা বসে থেকে বা চলতে - ফিরতে, উঠতে - বসতে

যাত্রায় আছো। তোমরা কেবল বুদ্ধির দ্বারা বাবাকে স্মরণ করো। তোমরা এই স্মরণের দৌড় লাগাও আর তোমাদের বিকর্মের বিনাশ হয়। যত তাড়াতাড়ি তোমাদের বিকর্মের বিনাশ হবে তত তাড়াতাড়ি তোমরা বাবার গলার হার হতে পারবে। তোমরা এখন ওই চার ধামের যাত্রা করো না। ওইসব ভক্তিমার্গে শরীরের দ্বারা তীর্থে যায়, ঘরে ফিরে এসে আবার বিকর্মী হয়ে যায়। যত সময় যাত্রায় থাকে তত সময় নির্বিকারী থাকে। আজকাল তো হরিদ্বারে গিয়ে দেখো পান্ডারা খুব নোংরা থাকে। মানুষ যখন যাত্রায় যায় তখন পবিত্র থাকে আর সেখানকার পান্ডারা অপবিত্র থাকে। তোমাদের যাত্রা কতো স্বচ্ছ। কোনোরকম ধাক্কা খেতে হয় না। বাবা বলেন, প্রিয় বাচ্চারা, উঠতে - বসতে, চলতে ফিরতে কেবলমাত্র আমাকে স্মরণ করো। ইনি আত্মাদের সঙ্গেই কথা বলছেন। আত্মা এই ইন্দ্রিয়ের দ্বারাই সব শোনে। আত্মা মুখ দিয়ে বলে, চোখ দিয়ে দেখে। আত্মা এই চোখের দ্বারা দেখা যায় না, না পরমাত্মাকে দেখা যায়। এই দুইকেই দিব্যদৃষ্টি ছাড়া দেখা যায় না। অনুভব করা যায়, তখনই তো বলে, আমার মধ্যে আত্মা আছে। আমার আত্মা দুঃখী। আমার আত্মা এক শরীর ত্যাগ করে অন্য শরীর গ্রহণ করবে। আত্মা তো কথা বলে। পরমাত্মাও আত্মার সঙ্গে কথা বলে - হে প্রিয় বাচ্চা, আত্মারা, এখন তোমাদের আমার কাছে আসতে হবে। আমি তোমাদের যাত্রা করা শেখাই। তোমরা পবিত্রতা ছাড়া আমার কাছে আসতে পারো না। আত্মা হলো পবিত্র। প্রথম - প্রথম আত্মা সতোপ্রধান থাকে, তারপর সতো, রজো আর তমোগুণী হয়। শরীরও সতো, রজো আর তমো হয়। সতোপ্রধানকে গোরা আর তমোপ্রধানকে কালো বলা হয়। এ কতো বোঝার কথা। তোমরা জানো যে, আত্মা আর পরমাত্মা বহুকাল আলাদা রয়েছেএখন আবার এসে মিলিত হয়েছে। মানুষ, মানুষের সাথে মিলিত হবে। আত্মা, আত্মার সাথে মিলিত হবে। পরমাত্মাও তাদের সঙ্গে মিলবে। আত্মা আর পরমাত্মা এই দুইয়ের সাক্ষাৎকার দিব্য দৃষ্টির সাহায্যে হয় কেননা তিনি অতি সূক্ষ্ম তারার মতো। এখন এমন কোনো সায়েন্টিস্ট নেই, যে বলতে পারে আত্মা কিভাবে প্রবেশ করে। এই কথা তারা কিছুই জানে না। আমাদের অতি প্রিয় হলেন বাবা। ভক্তিমার্গে অর্ধেক কল্প ভক্তরা ভগবানকে স্মরণ করে। এমন নয় যে সবাই ভগবান। সবাই যদি ভগবান হবে তাহলে ভক্তরা আরাধনা! বন্দনা, সাধনা কেন করেন, কি কারণে করেন? সকলেই মুক্তি বা জীবনমুক্তি চায়, কেননা এখানে সকলেই দুঃখী, তারা চায় শান্তি হোক। কিন্তু বেচারী দুঃখীরা জানে না যে শান্তিধাম কাকে বলা হয়, মুক্তি কোথায় হয়। এও তারা জানে না। বলার জন্য বলে দেয় যে পার নির্বাণে গেছে। কেউই জানে না।

এখন তোমরা বাচ্চারা যাত্রায় আছো। বাবা বলেন যে, বাচ্চারা খুব সাবধানে চলতে হবে। তুফান তো অনেক আসবে। তোমরা বাবাকে স্মরণ করার চেষ্টা করবে কিন্তু মায়া সেই বুদ্ধি যোগ ছিন্ন করে দেবে। তখন সেই অবস্থা ঠান্ডা হয়ে যায়। খুশীর পারদ নেমে যায়। না হলে খুশীর পারদ তো স্থায়ী থাকা চাই। এই চোখে যদি সেই রাজস্ব দেখা তাহলে খুশী কয়েম থাকে। এখানে তোমরা বুদ্ধি যোগের দ্বারা জানো যে রাজস্ব পাওয়া যায়। এই রাজস্বের জন্যই আমরা পড়ছি। এই খোলা চোখে দেখতে পাও না তাই মায়া তোমাদের প্রতি মুহূর্তে ভুলিয়ে দেয়। বাবা বলেন যে, গৃহস্থ জীবনে থেকে কমল ফুলের সমান থাকো। পুরানো দুনিয়া, পুরানো শরীর সবকিছুর সঙ্গে মমস্ব ছিন্ন করো। এক বাবাকে স্মরণ করো। প্রথমে তোমাদের বাবার কাছে যেতে হবে তারপর নতুন দুনিয়ায় আসতে হবে। বাবা আর আশীর্বাদী বর্ষাকে স্মরণ করো তারপর যখন তোমরা এখানে আসবে, সে হবে প্রালঙ্ক। তখন তাঁকে আর স্মরণ করবে না। এখন তোমরা পুরুষার্থ করছো ভবিষ্যতের প্রালঙ্ক পাওয়ার জন্য। এখানে মানুষ পুরুষার্থ করে জীবিকার জন্য। আমরা ভবিষ্যতের জীবিকার জন্য পুরুষার্থ করছি।

গৃহস্থ জীবনে থাকতে হবে আবার এই কোর্সও করতে হবে। এই জ্ঞানকে ধারণ করতে হবে, তারপর তোমাদের আর পুরুষার্থ করতে হবে না। ওখানে তোমরা পুরুষার্থ করো না, প্রালঙ্ ভোগ করো। তোমরা জানো যে আমরা ভবিষ্যৎ বানাচ্ছি ওখানে প্রালঙ্ ভোগ করবো। ওখানে স্মরণ থাকবে না যে আমরা প্রালঙ্ ভোগ করছি। তাহলে তো পুরুষার্থও স্মরণে আসবে। পুরুষার্থ আর প্রালঙ্ দুইই ভুলে যায়। প্রালঙ্ ভোগ করতে থাকে, অতীতের কোনো কথাই মনে থাকে না। এখন তোমরা তোমাদের অতীত, বর্তমান আর ভবিষ্যৎকে জানো, আর কোনো মানুষই নেই যারা অতীত বর্তমান আর ভবিষ্যৎকে জানতে পারে। একেই বলা হয় ত্রিকালদর্শী।

বাবা রুহানী যাত্রা আর শরীরের যাত্রার কন্ট্রাস্টও খুব ভালো করে বুঝিয়েছেন। শরীরের যাত্রা জন্ম - জন্মান্তর করে এসেছে, এই রুহানী যাত্রা হলো এক জন্মের। স্বর্গে যাবে তারপর ফিরে আর এই মৃত্যুলোকে আসবে না। আচ্ছা।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা এবং সুপ্রভাত। রুহানী বাবার রুহানী বাচ্চাদের নমস্কার।

ধারণার জন্য মুখ্য সার :-

১) সতোপ্রধান সন্ন্যাসের দ্বারা আত্মা এবং শরীর উভয়কেই পবিত্র বানাতে হবে। পুরানো দুনিয়া আর পুরানো শরীরের মমত্ব ত্যাগ করতে হবে।

২) ত্রিকালদর্শী হয়ে অতীত, বর্তমান আর ভবিষ্যৎকে বুদ্ধিতে রেখে পুরুষার্থ করতে হবে। এই জ্ঞান ধারণ করে স্থায়ী খুশীতে থাকতে হবে।

বরদান :- নিজের চেহারা রূপী দর্পণের দ্বারা মনের শক্তির সাক্ষাৎকার করিয়ে যোগী আত্মা হও

যা মনে চলতে থাকে তার ঝলক ললাটে অবশ্যই আসে। এমন মনে করো না যে মনে তো আমাদের অনেককিছুই আছে। কিন্তু মনের শক্তির দর্পণ হলো চেহারা বা মুখ। যতই তুমি বলো যে, আমার যোগ তো খুব সুন্দর, আমি সদা খুশীতে নাচতে থাকি, কিন্তু উদাস চেহারা দেখলে কেউ মানবে না। "পেয়ে গেছি" এই খুশীর ঔজ্জ্বল্য যেন চেহারায় দেখা যায়। শুকনো মুখ নয়, চেহারায় খুশী দেখা গেলেই বলা হবে -- "যোগী তু আত্মা"।

স্লোগান :- যখন সরল স্বভাব, সরল বাণী এবং সরলতা সম্পন্ন কর্ম হবে, তখনই বাবার নাম উচ্ছল করতে পারবে।